

Divels-
Dyck.

demirans *Divels-dyke* appellat, alii *Rech-dyke* à *Rech* mercatorio oppidulo ubi incipit. Hæc proculdubio illa est de qua Abbo Floriacensis ubi Orientalis Angliæ situm describit, *Ab ea parte qua Sol vergit in Occasum ipsa provincia reliqua insula est contigua & ob id pervia, sed ne crebra irruptione hostium incursetur, aggere ad instar altioris muri, & fossa humo præmunitur.* Per plura enim milliaria planitiem illam quæ *Newmarket-beath* dicitur, qua incursionibus paruit, transversim secat exorsa ad *Rech*, supra quam palustris est regio & invia, & definit juxta *Cowlidge*, qua via sylvis impeditior. Limesque fuit tum regni, tum Episcopatus Orientalium Anglorum. Quis tanti operis author incertum, recentiores scriptores ad Danicum Regem Canutum referunt. Cum tamen Abbo ille ejus meminert, qui obiit antequam Canutus rerum in Anglia potiretur, & *Chronicon Saxonum*, ubi agitur de rebellionem *Athelwolphi* contra Regem *Edwardum Seniore* *Dicum* simpliciter vocat. *Edwardum*que Regem quicquid inter *Dicum* & *Vsam* fl. interjacet usque ad paludes Boreales vastasse docet, ac *Æthelwoldum* rebellem, & *Eohric* Danum tunc prælio ibidem cecidisse. Verum qui à Canuti tempore scripserunt *Limitem S. Edmundi*, & *Fossatum S. Edmundi* dixerunt, Canutumque Regem duxisse crediderunt, qui devotissimus *S. Edmundi* Martyris cultor maximas immunitates illius locis religiosi (ad expiandam sceleratam patris *Swani* in eisdem crudelitatem) usque ad hanc fossam concessit. Vnde *Guil. Malmesburienensis* in libro de Pontificibus: *Ex actores vectigalium qui alias bacchantur fas nefasque juxta metientes, ibi supplices citra Fossatum S. Edmundi litigationes sistunt.* Et has duas postremo nominatas *S. Edmundi* Fossas appellatas fuisse constat, nam *Matthæus Florilegus* bellum illud contra *Æthelolphum* inter duo *S. Edmundi* Fossata confectum prodidit.

Burwell.

Iselham.
Peitonii.

Kittling.
Barones
North.
977.

The Fen-
nes and
Isle of Ely.

Juxta *Rech* assidet *Burwell*; ubi olim castrum quod difficillimis illis Regis *Stephani* temporibus, *Galfredus de Magnavilla* *Essexiæ* Comes, qui in alienas possessiones irruendo, magnam famæ jacturam fecit, fortiter oppugnavit, donec sagitta caput transfixus regiones illas longa formidine exsolvit. Vix uno & altero hinc milliari abest *Lanbeath*, ubi multos jam annos *Cottoni* equestri splendore clari incoluerunt. A qua haud procul distat *Iselham* olim *Bernardorum* hæreditas, quam per nuptias equestres *Peitanorum* familia adiit, qui è mascula *Vffordorum* stirpe (è qua *Vffordi* *Suffolciæ* Comites) progesserunt, ut insignia gentilitia innuunt: licet à *Peiton* *Suffolciæ* oppidulo, ubi diu infederunt, nomen pro more ejus seculi desumpserint.

Ad eandem etiam fossam *Kirtling*, quæ & *Catlidg* nominatur, situm habet, nunc celebris ædibus primariis Baronum *North*, quorum primum *Edwardum North* eo honore *Maria Regina* ob prudentiam decoravit. Olim vero Synodo frequenti notum, dum Ecclesiastici de Paschate celebrando acriter inter se digladiarentur.

Superior & Septentrionalis hujus agri portio in insulas amnicas tota dispescitur, & intermeantibus crebris fossis, canalibus & incilibus quasi fasciis distincta, læta viriditate, æstivis mensibus *Britannia*.

intuentium oculis arridet, hybernis autem tota fere aquis adoperta longius & latius quam oculorum acies metiatur, maris quodammodo speciem mentitur.

Qui hanc & reliquam palustrem regionem quæ à *Suffolciæ* collimitio ad *Wainflet* in Comitatu *Lincolniensi* per 68 milliaria & myriada jugerum comprehendit in quatuor Comitatus, scilicet hoc *Cantabrigiensi*, *Huntingdonensi*, *Northamptonensi* & *Lincolniensi* incoluerunt, *Saxonico* seculo *Girvii* dicebantur, id est, ut quidam interpretantur, *Paludicola*. Genus hominum pro loci ingenio asperum, incultum, reliquis, quos *Vplandmen* vocant, invidum, qui grallis sublimè ut Gigantes spatiantes rei pecuariæ, piscaturæ & aucupio omnes incumbunt. Ipsa regio, quæ brumali tempore, & aliquando maximam partem anni aquis *Vsa*, *Granta*, *Neni*, *Vellandi*, *Gleni*, & *Vithama*, cum satis capaces meatus non habeant, diffusis inundatur; cum aquæ se in suos alveos receperint, lætissimo gramine & fœno crassiori (*Lid* vocant) ita luxuriat, ut cum satis superque in usum demessuerint injecto igne mense *Novembri*, ut lætius proveniat, comburunt. Quo tempore uliginosum hunc tractum flammis late vagantibus exardere videas, & admireris. Abundat præterea cespitibus & caricibus in ignis alimentum, arundinibus ad casas contegendas, alnis etiam cæterisque fruticibus aquaticis, præcipue salicibus est feracissima, tum soli naturâ, tum quod contra irrupentium amnium impetus satæ, sæpiusque cæsæ, innumero hærede, ut *Pliniano* verbo utar, profuerunt. E quibus etiam & hic, & alibi corbes texuntur, quas cum *Britanni* *Baskades* vocent, ego, ut hoc obiter notem, *Martialem* non intelligo, nisi de his inter *Apophoreta* intellexerit in illo disticho,

*Barbara de pictis veni Bascanda Britannis,
Sed me jam mavult dicere Roma suam.*

Præterea *Scordium*, quod & *Trissago* palustris dicitur, juxta fossas copiose profunditur. Verum palustres has insulas *Fœlix* antiquæ memoriæ scriptor his verbis depinxit, *Est immensa magnitudinis palus, quæ à Grontæ fluminis ripis incipiens, nunc caretis, interdum nigris fuscis vaporis laticibus, nec non insularum nemoribus intervenientibus, & flexuosis riparum anfractibus ab Austro in Aquilonem mare tenus, longissimo tractu protenditur.* Eandemque carmine *Guilielmus Monachus Crowlandensis* in vita *Guithlaci* sic descripsit,

*Est apud Angligenas à Grontæ flumine, longo
Orbe per anfractus stagnosus, & fluxiales,
Circumsusa palus, orientalisque propinqua
Littoribus Pelagi, sese distendit ab Austro
In longum versus Aquilonem, gurgite tetro
Morbosos pisces vegetans, & arundine densa
Ventorum strepitus, quasi quedam verba susurrans.*

Adjunge his, si placet, ex *Henrico Huntingdonensi*: *Palustris hæc regio lætissima est, & visu decora, multis fluvii decurrentibus irrigata, multis lacubus magnis, & parvis depicta, multis etiam sylvis, & insulis florida.* Habe etiam in coronidem *Guiliel. Malmesburienensis* hæc paucula verba, *Piscium hic tanta copia, ut sit advenis miraculo, indigenis pro illorum admiratione ludibrio: nec minor aquaticarum volucrum vilitas, ut pro uno asse de utroque cibo quinque homines, & eo*

E e e e amplius

Girvii.

Scordium.

*A Fenne.